

Die scepenen van den Nieuwendamme ende die menepoort maken cont alledenghene die desen brief
sullen sien of horen dat wi met onsen vrien wille ende met ganser wetenthede hebben gheset
ende ghemaket met ghemeyre wilcore ons verbonden duer Got ende onser silen wille dat, so wie
so port es of wonet bin dervriheden der port, wanneer so hi steruet, wief ofte man, dat sien beste
deco sal hebben tgestues van den Nieuwendamme; storue hi oec bueten der port, waer soet ware,
heer soude hebben al dat selue; ende dat sullen ontfaen tue man, die dar toe worden gheset bi den here
ende bi den scepenen van der port, ter armerbehoef te kerne van dien hoes ende daer af iarlics
rekeninghe te doene vor den here ende die scepenen. Waer dat iemene ware diet nine gaue bider
heiscinghen der tuiermanne so salt die here in doen panden bi sinen bode ende bi den scepenen.
Oppedat dat dit vast ende stade bliue ewelike, so hebben wi ghebeden onsen here heren florense
van Henegouwen, riddere, den prouest van Coningfelt dat si dit besegle met horen seglen. Ende
want die port sunder ghemenen segel es, so hebben wi scepenen, Clais serArnout sone, Conraet
Ghiben sone, Ian van derHerberghen, Iacob Frisekins neue, Reinier die Viskere, Heine Hugen
sone, Willem die Lakenman dit besegelt met onsen seglen vor die mene port. Dese brief
was ghemaket ende ghe gheuet in den iaren ons Heren M CC LXXX sex, des ander da
ghes na Dertiendaghe

ghes na Dertiendaghe.